

» singulas causas premissorum occasione coram quibusvis iudicibus,
» quavis etiam apostolica auctoritate fulgentibus, ubilibet et in
» quavis instantia pendentes, etiam si instructa existant, ad nos ad-
» vocare et lites hujusmodi penitus extinguere, et super illis quibus-
» vis personis in eis interesse pretendentibus perpetuum silentium
» imponere, nec non licentia et facultati deputandi presbyterum
» Grecum ad eorum nutum amovibilem, qui in dicta ecclesia s.
» Georgii missam celebret, ac eis ecclesiastica sacramenta ministret,
» ut prefertur, nec non exemptioni et subjectioni Leonis predeces-
» soris hujusmodi, ac omnibus et singulis aliis privilegiis, immuni-
» tatibus et indultis apostolicis ipsis hactenus concessis robor nostre
» approbationis adiicere aliasque eis in premissis opportune provi-
» dere de benignitate apostolica dignaremur. Nos igitur de premis-
» sis certam notitiam non habentes, ut eorum devotio erga dictam
» sanctam Sedem et Romanam ecclesiam eo amplius augmentur, quo
» ipsi majoribus favoribus et gratiis ab illis se confoveri cognove-
» rint, hujusmodi supplicationibus inclinati fraternitati tue, de qua
» ob ejus prudentiam, circumspectionem ac litterarum scientiam, in
» his et aliis majoribus magnam in Domino fiduciam obtinemus,
» per presentes injungimus; quatenus de premissis etiam summa-
» rie, simpliciter, et de plano, ac sine tela judiciaria, solaque facti
» veritate inspecta te diligenter informes, et si per informationem
» hujusmodi illa vera esse, et absque ipsorum Latinorum animarum
» periculo ac publico scandalo id ipsis Grecis concedi posse cogno-
» veris, omnes et singulas causas predictas in quibusvis terminis
» et instantiis reperiantur, etiam si instructe existant, quarum status
» et merita, ac nomina et cognomina iudicum et collitigantium,
» presentibus haberi volumus pro expressis, ad te advoces, et lites
» hujusmodi penitus extinguas, ac super illis quibusvis personis, in
» eis interesse pretendentibus perpetuum silentium imponas, nec non
» licentiam et facultatem ac exemptionem et subjectionem Leonis
» predecessoris hujusmodi, nec non omnia et singula alia privilegia,
» immunitates et indulta Apostolica ipsis Grecis, sub quibuscunque